

嘉慶十六年


聽松廬詩鈔



汀州伊秉綬題

粵東三子詩序

昔朱竹垞論粵東詩派惟蘭江小變而歐楨伯



黎瑤石區海目皆仍南園五先生之遺音此蓋

爲有明一代前後七子遞變而爲公安竟陵發

也予之論粵東詩則不然我 國朝經學考訂

之精什倍於前明詩文之盛亦倍之居今日而

言風雅通途豈得執屈梁陳三家以區流派乎

予昔於藥洲草堂與諸賢論詩大旨以杜爲宗

而所得士如馮魚山張葯房輩亦皆不專以三

粵東三子詩序

卷首

一

家自限也厥後葯房歸里已刻其詩而魚山猶

未有專集近日其門弟子輩始爲抄撮刻之究

之非其心也然而涉河海者必溯諸崑崙發源

之處當魚山嚮學之初予與陸耳山李南澗擊

節推賞於羊城又與錢樺石把卷欣歎於都門

皆魚山早歲詩也今又三十餘年而吾門陳荔

峯於粵得張南山黃香石二詩人又因南山得

見譚康侯之作三子詩各有所就粵中將刊此

三集而問序於予予方日與南山論詩又得見

香石詩話持論皆正惡可無一言所勗吾學侶
宜博精經史而後其詩大醇詩必精研杜韓蘇
黃以厚根柢而後其詞不囿於一偏此則於士
習人心皆重有賴焉豈僅不執三家流派而已
也嘉慶十六年辛未閏三月望後二日北平翁
方綱

粵東三子詩序

卷首

二

南山詩鈔題辭

南山尊人孝廉事節母以孝聞南山稟庭訓幼穎悟年十三邑令吳公奇其文製句贈之歛曰南山人遂以南山稱之喜博覽著經訓謀心讀史求義二書恒手一編至夜分不輟爲古文井井有法度亦間爲駢體詞曲而尤肆力於詩論者謂其詩清而能雄沉而復麗殆欲鎔鑄古人而自成面目弱冠後入都往返萬里詩亦屢變而愈上大興翁覃谿先生見其詩激賞之並有

南山詩鈔

題辭

一

取於康侯香石之詩合而序之題曰粵東三子南山癖愛松一號松廬白雲山雲泉山館有松臺春秋佳日與雲泉諸子攜壺登眺顧而樂之又號白雲外史白雲故多梅花花時嘯詠山中曾賓谷方伯見梅花以詩柬之有山深宜處士花發爲夫君之句亦可想見其志趣之清逸矣南山自處介然而接人藹然知交譚藝輒不倦否則樂於簡默嘗曰士人素位中自有樂境知足曰富自重曰貴不損人曰功有一藝曰名汀

州伊墨卿太守嘗踏月造其廬贈以詩有云西
銘有砭吾黨重南園以降斯人稀聞者以爲非
溢美云南山詩甚富今方少壯篇什盈千茲編
所錄猶未及其半也

蒼厓黃喬松

南山詩鈔

題辭

一一

聽松廬詩鈔卷之一

番禺張維屏子樹撰

番禺黃喬松編

青松篇

青松如高人好花若處子一年一度豔陽春香
國紛紛鬪紅紫少年結隊看花來油車過處輕
塵起玉簫金管沸芳筵青蛾皓齒塞羅綺嬌歌
妙舞歡未終玉山自倒金鈿委明日攜樽試再
尋零香斷粉蒼苔裏春人不語立斜陽春事回
頭問流水流水太無情波光空自清雙雙蝴蝶
南山詩鈔 卷一 一
影一一杜鵑聲杜鵑聲急春將暮蝴蝶尋春不
知處惟見青松高插天老鶴穿雲自來去

園居卽事

幽窓風竹喧破夢起我早海霞媚朝暎飛光散
林表露泣苔髮明石壓松骨矯水廊綠陰淨蘂
磴孤煙裊隔花聞戲魚倚樹翫飛鳥日澄清機
發慮澹畏途少客來看藥欄新筍可一飽

春村

日暖村頭花放紅天晴屋角鳥呼風春光二月

乃恰好人事十年全不同。沽酒烹魚邀客醉，吹簫擊鼓祝年豐。四朝眼見昇平樂，一座歡迎矍鑠翁。

寒食感賦

鄉國山陰道，風花寒食天。提壺人出郭，上塚客停船。大母頭如雪，深談淚湧泉。椒漿何處奠，飛

夢路三千

祖墓在山陰

越臺

越王臺畔路，行客幾徘徊。花柳麗晴旭，海潮喧

南山詩鈔

卷一

二

夜雷霸圖黃屋杳，仙梵翠微開。談笑蠻荒靖，千

秋陸賈才

月下獨酌

花間月有香，松間月有骨。并無花與松，片月自清絕。人來足踏水，露氣冷上韞。延月雙扉開，酌月一樽凸。舉酒和月吞，定作智珠結。

春夜紫藤池館讌集

東風萬物憐，送暖入瓊筵。白月藤花下，春人楊柳邊。寄愁歸碧海，得句問瑤天。誰道蓬山遠，雲

屏六曲前。

晚霽池上

雨餘新水高。花外夕陽麗。幽人池上立。涼碧洗
殘醉。萍開見人影。躑刺游鱗避。風蟬助淒吟。雲
雁引遙睇。遠峯青黛孤。初月白眉細。晚飯烹瓜
壺。秋衣剪荷芰。漫營三徑資。且作一竿計。

江亭月夜

江空明水接銀潢。亭迴繁枝亞石牀。雲影貼波
孤月定。露光溥樹萬花涼。清宵天養勞人魄。枯
坐秋迴獨客腸。風籟不鳴莎徑濕。更無落葉有
啼螿。

詠史七首 錄五

空向豪門逞舌鋒。三千食客總庸庸。函關竟有
生還日。也算雞鳴狗盜功。

兵符盜得解秦兵。屠客偕行事竟成。若使報恩
徒。勿頸世間容易覓侯嬴。

同時趙國兩毛公。相士平原枉自雄。門下三年
猶未識。更誰求向博徒中。

大賈由來只患貧。釣奇竟滅虎狼秦。可憐六國
多良將。不及邯鄲一美人。
童男童女載三千。海上桃源別有天。堪笑秦皇
求不死。却教徐福作神仙。

題畫

小橋跨破鏡中天。雲樹深深地亦偏。十里藕花
香在水。無人來放米家船。

大通寺

松樹一千株。寒濤卷碧虛。鶴聲雲定後。龍氣雨
南山詩鈔

卷一

四

來初佛冷龕無火。僧閒澗有蔬。茫茫誰達岸。吾
欲借團蒲。

老漁歌

白榆搖搖風在天。紅霧閃閃燈在船。忽然急雨
打篷背。欲墮不墮星浮烟。溪頭老漁不肯眠。暖
酒自把松毛然。松毛得火火光綠。驚起村龙吠
茅屋。

晚渡珠江

木棉照水絳霞低。柳外嬉春畫舫齊。一帶炊煙

吹不散人家十萬夕陽西。

海雲

海雲挾飛雨。萬戶得新涼。風定星辰濕。水明荷
芰香。羅衣親故篋。玉笛引清商。旅燕先愁別。裊
裊繞畫梁。

秋宵

雁奴不爲寄魚箋。紅桂深沉鎖碧烟。涼月似霜
風似水。秋宵如此可能眠。

遣恨四首

南山詩鈔

卷一

五

方壺昨夜起罡風。誰信瓊華一瞬空。斑竹淚枯
來渴鳳。碧蘆聲斷失驚鴻。梢頭荳蔻春猶淺。臉
際芙蓉酒正中。莫唱黃雞催白日。樽前癡夢尙
朦朧。

西母驂鸞入絳烟。曉風環珮散羣仙。卷施拔去
心難死。烏鵲飛來恨莫填。玉鏡有臺安寶魄。金
丹無術駐華年。紫藤花裏娟娟月。曾照娉婷小
閣前。

依舊星辰愴舊遊。紅牆銀漢望悠悠。冰輪蝕破

蟾蜍泣玉杵春殘。蜥蜴愁錦里。看花偏隔霧。茂陵聞雨。易傷秋香泥。千尺埋雲子。腸斷金魚鎖。畫樓

水邊樓閣黯。輕陰佇苦停。辛思不禁小。雨似烟寒悄悄。遠天如夢。晝沉沉。月中楊柳曾舒眼。風裏芭蕉未展心。莫向蓮塘重倚。檝紅衣。狼藉冷珍禽。

天上謠

琉璃宮殿霓旌入。五色橋邊衆仙立。却從紫府

南山詩鈔

卷一

六

見蘭香淚灑紅冰。藕衫濕鴻龍玉。狗羅天闥下。視塵海波渾渾。銀瓶貯得碧霄露。滿酌爲君除渴。煩琅函授我長生訣。蹉跎不是無仙骨。願駕鸞輪戲海山。怕持玉斧脩蟾窟。

西欄

不易度秋宵。秋燈背影挑。露寒蟲有怨。花謝月無聊。翹首望銀漢。何人吹玉簫。西欄一株柳。愁絕沈郎腰。

紫藤曲二首

紫藤幕徑香雲裊花枝泣露金鈴小嬌魂不定
蝴蝶愁玉枕微劫失春曉珠帷貼地蘭堂深蠶
眠細字緘來禽雲梯盤盤折鴻翼鐵網破碎珊
瑚沉阿母由來愛方朔碧桃花下流霞酌胡麻
未熟丹竈寒麻姑鬢上霜華落

枯槎觸石銀河乾白鳳病渴青鸞翻何時懶龍
吸海水絳津宛轉通微瀾匏瓜欲墜罡風起雲
輶斷送嬋娟子觀香小妹怯宵寒玉樓十二秋
如水脩蛾不展枕手眠夢墮舊時亭院邊暗塵
南山詩鈔 卷一 七
漠漠紫藤化化作冷猿啼暮烟

江鄉有懷却寄

江鄉濕霧足秋陰雨過殘陽尙滿林數點白蘋
騷客淚一雙紅鯉美人心淵明酒畔閒情在司
馬琴餘渴病深且喚樵青理烟艇水雲多處扣
舷吟

落葉三首

秋氣慘不樂千林方怒號詩人歌蟋蟀名士讀
離騷風裏孤砧急霜前畫角高乾坤莽空濶百

感屬吾曹

獨夜哀蟬唱寥天斷雁過忽驚山骨削漸覺月
光多颯颯催征騎蕭蕭隨逝波洞庭秋思濶不
爲弔湘娥

老衲倦掃地幽人驚叩門有時兼雨點無處着
烟痕短夢何曾穩羈懷不可論支撐憑鐵幹生
意在孤根

初冬寒甚有作

城根老樹水鳥呼黃綿襖子三日無欲雪不雪

南山詩鈔

卷一

八

雲模糊雲脚沉沉雨脚直天鼓砰訇收不得天
公大笑破寒色羔裘獸炭鸚鵡杯風狂雨濕少
客來門前凍者吁可哀

曉寒

洞口桃花憶共餐函中玉字笑同看天梯許續
游仙夢樂府休題行路難枯木有情通碧漢彩
霞無信降瑤壇飛瓊瘦損何人覺環珮風高耐
曉寒

仇英十八羅漢圖

一丸在手光熊熊鱗而蚘膠來飛龍一坐磐石
凝雙瞳一拱而立夜叉侍頂上古鼎烟冥濛高
者持珠據怪松下者昂首如相從老者拂塵眉
青茸少者有若還珠童僮其腹者容體豐得大
解脫披心胷瘦者欲出差龍鍾卻立山背扶孤
筇咫尺颺颺驚山風波羅敦圉毛鬣鬆袒右臂
者顏酒紅寶手欲下膽氣雄離立者二參以一
指揮獅象如奴僮虬鬚者獨伸食指指上白氣
長如虹琉璃雲氣盤虛空一合掌拜方鞠躬上
南山詩鈔 卷一 九

有石壁高巖從下有澗水流淙淙或撲鉢坐清

溪東或洗足向寒流中懸崖陡絕見一老三心

寂滅如癡聾一十八尊狀不同法門不二一筆

通披圖光怪驅塵蒙花雨欲落聞踈鐘

潘伯臨

正亨

招同金藝圃

菁莪

顏蘅皋

應

芳陳地山

謙

簡夢巖

厥良

集南墅詠白

桃花同用五微

悟破鉛華百媚非梨雲同夢認依稀天台霧遠

虛羅帳露井風柔換袷衣前度劉郎塵面澣去

年崔護素心違空潭千尺看無影花雨甍甍冷
夕暉

登樓

西北有高樓樓前杜若洲美人如斷雁往事問
牽牛壁月隨風去銀雲學水流明河原不遠只
在柳梢頭

雜憶十四首 錄九

安排筆硯與笙簫檢點春衣理翠翹底事夜闌
渾不寐百花生日是明朝

南山詩鈔

卷一

十

倚風撲蝶試身輕翡翠裙邊夕照明繡得鳳頭
鞵子好草痕多處踏新晴
十四絃聲隔院聞玉羅窓格影難分石榴紅處
簾鉤響一片湘波一朵雲

聰明不願號鍼神書仿簪花韻逼真兩字和南
珍重寫自云初學衛夫人

夜合花開試晚妝生來不識九迴腸商量欲乞
天孫錦繡罷鴛鴦繡鳳凰

暮蟬不語抱疎桐寥濶雲天少過鴻涼月一棚

星。數。點。豈。花。風。裏。聽。秋。蟲。
連。朝。雪。意。到。梅。邊。竹。外。踈。花。破。臘。妍。自。拂。軍。持。
貯。新。水。一。枝。寒。玉。綺。窓。前。

新詩淘洗水般清。呵凍書成別署名。縱被天風
吹得去。不妨呼作許飛瓊。

卅角韶光月一弦。衆香叢裏小遊仙。塵根不染
天花散。我住人間已廿年。

惜別

惜別須傾酒百觴。酒痕易滿鬱金裳。西窓剪燭

南山詩鈔

卷一

十一

歌紅豆。南浦停舟贈綠楊。漢女來時江月曉。劉
郎歸後洞雲荒。如何親見西王母。不乞人間駐
景方。

與仲弟

維翰

夜話追憶季弟

維楨

泫然有

作

卅角團圞笑語真。尋思往事幻微塵。可憐瓦屋
同聽雨。大被今宵只兩人。

醉中示客

一盃在手且陶然。莫抱牢愁損少年。天使鍾情

難學佛詩能延壽不求仙心追駿馬流沙遠夢
掣鯨魚碧海圓磨鏡織簾君自愛古來窮困有
人傳

南山詩鈔

卷一

三

聽松廬詩鈔卷之二

番禺張維屏子樹撰

番禺黃喬松編

感懷五首 錄三

涼飈歛夕烟素月光在林美人眷清夜開軒彈
玉琴掩抑未終曲徘徊攬憂襟衆耳習凡響此
曲誰知音仰視孤鴻翔耿耿方橫參牛女永相
望河漢廣且深亦有同心人離居傷滯淫容輝
不可接悠悠千里心

霜露淒以繁蟋蟀鳴且悲叢蘭豈不秀畏此秋
南山詩鈔 卷二 一

風吹秋風一何勁青陽安可追空谷抱孤芳良
會渺難期不怨良會遲但惜朱顏移

翩翩誰氏子麗服耀里閭朝出策健馬暮入乘
安車敝衣立道側咄咄此腐儒仁義果足飽何
至爲饑驅吞聲且歸去閉戶守吾愚豈不懼饑
寒所羞類穿窬棄置勿重陳浮雲行太虛

短歌行

鷓魅嘯林荆榛蔽途豈不憚險家無斗儲老驥
雖健不如廐駒耕農雖勤不如博徒彼達斯智

匪窮爾愚云誰與言短歌烏烏

傷歌行

山木森森山雲陰陰古無人踪惟有鳥音飛雲
九天落木四野我思窮交淚下如瀉

雜詩

翩彼飛鳥集于茂林鳥棲擇木人交擇朋風生
浪生風止浪止人心波瀾無風自起黃金在身
途人親人家無斗糧骨肉參辰鳴箏弄笛行客
駐足琴彈文王坐客睡熟

南山詩鈔

卷二

二

巫山高

巫山高高蒼蒼湘水深深深茫茫綠萍在石紅豆
在囊碧天清露北雁南翔日暮風多吹我羅裳
羅裳吹不開所思期不來

將進酒

將進酒開華堂炊金饌玉盃盤光鸞絃鳳管東
西廂一樽未盡白日落主人停杯忽不樂主人
請勿憂賤子作歌能洗愁君不見堯舜千鍾孔
百觚飲者賢聖不飲愚後園吏舍相歌呼歐吐

竟汗丞相車。吏部醉時墮酒甕。鄭公死願爲酒
壺。我愛劉元石。曹騰美睡一千日。我慕白子高。
羣仙招手同逍遙。聽我歌酌君酒。世事浮雲變
蒼狗。麴生不來莫開口。何用移封向酒泉。但願
一杯常在手。噫噉吁。項王夜半飲帳中。漢王席
上歌大風。悲歡雖異一醉同。

○ 戰城南

戰城南。走城北。鼓聲欲死四野黑。矢集如蝟健
卒踣。烏八九子爭肉食。黃沙激激風颼颼。骷髏
南山詩鈔 卷二 三

○ 塞下曲

萬里黃龍戍。三秋白雁來。弓鳴邊月墮。帳卷陣
雲開。楊柳樓中笛。葡萄馬上盃。長懷請纓志。不
上望鄉臺。

邊將曲

猛將老防邊。笳聲雪滿天。城猶周虎落。石欲勒
燕然。白草雙鷗下。黃雲萬馬穿。可憐青海月。歲

歲向人圓

俠客行

貴人赫赫權如山。門前鷹犬十百。一日不得閒。

解一高堂華屋。大酒肥肉。粉白黛綠。哀絲豪竹。貴

人不足。解二貴人不足。鷹犬僕僕。天陰鬼哭。解三鬼

哭聲啾啾。怪樹啼鴟。客從何方來。下馬直上

酒家樓。解四寒風如刀。雪如水。酒家樓頭劍光起。

明日喧傳貴人死。解五

并州兒

南山詩鈔

卷二

四

生小并州住。呼鷹出古原。自言吾有母。不敢受人恩。

飛將曲

飛將下邊關。呼聲動黑山。單于已宵遁。把酒看

刀環。

善哉行

北風蕭蕭。曜靈其奔。臨觴不御。短衣出門。狡兔多心。蒼鷹戴角。射工伺影。猛虎食肉。黃雀啄粟。不見網羅。焰焰一火。撲撲羣蛾。我欲賣藥。不如

賣漿爾能屠狗不如牧羊麒麟在野魯人棄之
眞龍在庭葉公避之昔日青蛾今日皓首步兵
大哭市兒掩口身騎赤豹言訪赤松九點青烟
一氣濛濛

詠古雜詩六首 錄四

無極渾清濁兩儀判天地太初雖無形細縵必
有事不然混沌胚曷以生萬類至今東南虧營
度未完備固哉管窺者謂是水土氣鄒衍好大
言秦宓逞詭智陶侃爾何人夢想警折翅傷心
南山詩鈔 卷二 五

屈左徒一問破憔悴

驚飈捲枯蓬登高覽大荒冠蓋集通衢第宅鬱
相望豈知今樂土乃是古戰場春秋五霸衰戰
國七雄強尺地貴連城百姓賤羣羊祖龍并六
合築城萬里長大椎擊博浪一炬焦咸陽達哉
青門人種瓜且徜徉

世既有禹稷不妨有巢由人人樂箕穎洪水何
時休嗣王無阿衡縱欲肯居憂先主無臥龍果
得鼎足不救世須眞才濟川須巨舟勿以曳尾

龜傲彼龍頭牛終南徑雖捷小草恐見羞少微
不在吳一死豈易求

有客慕神仙服藥不火食一夢乘天風身輕駕
羽翼道逢安期生長跼乞棗實棗實亦易得所
難換凡骨目不知素書名不在玉室勞勞塵土
中辟穀究何益三復廣成言庶得長生訣

龍王嫁女詞

叢祠夜半老狐語今夕龍王嫁龍女洞庭萬頃
湖風寒大魚吹波瘦蛟舞琉璃城畔黃金臺蓮

南山詩鈔

卷二

六

燈照水紅旗開河伯健兒競奔走池州長史紛
徘徊五色巨鼉高監尾籠銅鼓響八百里西來
素簡東隱娥鱗車過處微瀾紫小姑環珮翩驚
鴻嬌啼淚滴桃花紅香淚隨風灑斑竹日出湘
江烟霧綠

黃栗畱

花外一聲黃栗畱畱春不住美人愁美人睡起
慵梳頭金釵欲溜嬌含羞嬌羞怕見雙飛燕獨
抱雲和遣春倦水晶簾外吹東風玉階花片斑

斑紅

古意

春水蕩朝霞。春城處處花。花香吹不散。飛入莫
愁家。小閣芙蓉障。長亭玳瑁車。傷離休望遠。芳
草遍天涯。

野鷹來

野鷹來。林鶴哀。骨肉狼籍紛蒼苔。彎弓射鷹不
可得。樹高林密烟霧黑。鷹方得志鶴何辜。鶴亦
銜魚歸哺雛。君不見雞啄蟲蟻終被縛。螳螂背
後有黃雀。

南山詩鈔

卷二

七

羊矢坑

羊矢坑邊豺虎窟。驚飈捲樹日光沒。樹頭老烏
啼啞啞。飛下草間啄人骨。烟火蕭條三五村。富
者移家貧閉門。黃昏賊呼斬扉入。掠取財物搜
雞豚。閨中婦女色如土。欲避倉皇無處所。老姑
頓足兒抱頭。氣結眼枯不得語。賊怒縛人如縛
鼠。骨肉割絕廬舍焚。哭聲啾啾村外聞。天陰路
黑兒走失。剪幡燒紙招兒魂。兒不歸來兒死矣。

豈知虜作他人子。他人子。賣富室。貴賤不同兒。
則一。慎勿鞭笞與瞋叱。君不見親兒終日不離。
膝。飯飽嬌啼索梨栗。

有感四首

白帝旌旗肅黃龍。洞穴高斗壇宵縱。火雪瀑書。
磨刀攘攘尋凶器。蚩蚩憫爾曹親朋。阻兵甲江。
濶首頻搔。

慷慨循州守

伊墨卿太守

飛書數請兵。早將螳臂斷。

何至豹胎成小醜。能無懼元戎說好生。繞朝謀。

南山詩鈔

卷二

八

不用蒼赤涕縱橫

四百奇峯裏雲梯。路阻艱鬼燐丹竈碧人血鐵。
橋斑剿撫需良策。瘡痍覓大還靈符書竹葉未。
易伏豺獍。
啞虎腥風外哀鴻毒霧邊。呼聲動猿鶴殺氣到。
神仙兵貴前茅速。山原左股遷蓬萊飛海水亟。
爲洗戈鋌。

江樓

天清樓迥暮雲平。日落江寒遠霧生。松柏已空。

楊子宅帆檣猶向趙佗城仙山百里豺狼窟烽
火三秋草木兵到眼渚鴻無定所斷腸風笛有
離聲

坐月

我來忽見見影月已到前軒背影坐向月中宵無
一言心空涵夜氣天濶澹秋痕念彼從軍者風
霜欲斷魂

十二月十九日東坡先生生日伊墨卿太

守秉綬招同宋芷灣太史湘陰青原上

南山詩鈔

卷二

九

舍東林家賢仲思齊陳仲卿曇兩秀才

設祀寒玉齋

梅檀一瓣烟冥濛南飛曲奏生春風公之精神
塞宇宙千秋四海爲公壽南荒九死何栖栖命
宮磨蝎符昌黎先生睡美忘遷謫飯飽詩篇和
彭澤柑朱橘綠真一清六百餘載通精誠座中
髣髴見笠屐天際縹緲聞瓶笙太守無官心似
水水中得硯大歡喜豐湖香火今不孤宦海風
波古如此峩嵒萬仞青芙蓉枕榔一菴非故廬

雪泥鴻爪等奇耳瓊樓玉宇公歸乎天風浩浩
靈旗趨何時黃坭坂下舟一葉赤壁磯頭酒百
壺更聽笛聲穿雲裂石凌清虛

○ 自題空山雲臥圖

太虛有元精萬物盡渣滓我醉眠大石飛濤洗
兩耳海風吹夢去飄飄度弱水天門放日輪散
作半天紫舉手攀扶桑雲氣出袖裏回頭望金
烏已隔七千里

山行

南山詩鈔

卷二

十

東風天外來吹我屋後山山深鳥自樂山靜人
復閒尋幽意未足行行入山麓花光照客顏山
翠濕春服山好不同地花好不同枝好人非不
多惜我不同時古人既不作春花亦易落對此
山色佳莫嫌酒味薄酒薄味可濃情薄交不終
請看勢利場滾滾塵隨風

寄韓夢香秀才

燦

去歲君歸逼歲除春光兩地感離居白烟紅雨
桃花塢好製新詞弔六如

漫興

滔滔入海孰窮源
納納乾坤此閉門
胸有古歡書在手
眼無機事鳥忘言
巖高合置松千尺
天濶何妨月一痕
興發便思尋鐵脚
祝融峯頂看朝暾

同徐丈薤圃

本義

梁璜谿明經

殿珍

集藕

花榭消暑分韻得風字

面郭園開一徑通
人家多在綠陰中
萬千荷葉共吟雨
三五燕雛爭舞風
鷗鷺忘機迎熟客
桑南山詩鈔

卷二

十一

碧筩

消暑第二集詠松花得香字

竹外梅邊也自芳
蒼官風格不尋常
飛泉百道洗寒色
清磬一聲來妙香
仙鶴啄餘輕羽翼
道人睡足滿衣裳
亦知古豔乖時好
穠李天桃任檀場

甘泉宮瓦歌

消暑第三集

甘泉山光壓清渭
漢宮不改秦宮地
明庭一進

方士言雲陽遂有神仙氣棠梨鵲相鮮新當
時櫛櫛排魚鱗昆明水洗淨匹練咸陽泥禱飛
輕塵胡桃油香露華鑠圭角磨礪善雕削千尋
下蔭九莖芝萬片高承五采雀虹榱照耀通天
臺竹宮夜半神光來長生未央善頌禱茂陵秋
雨多荒苔揚雄賦與王褒頌千秋文物同珍重
漢庭已見單于朝唐室還觀鐵勒貢摩挲盛以
古錦囊切灰且莫悲阿房曹家銅雀今何處一
樣秋風瓦礫場

南山詩鈔

卷二

十三

夜坐

莎雞啼暗廊螢火出深篁小雨月光濕微風松
葉香世緣因病減書味入秋長多謝山中客新
貽洗眼方

秋懷

千林木落動霜鐘雲淨天高一盪胸晚徑日斜
明橋柚澄江水遠靜魚龍風烟萬里愁征客寒
暑三時閔老農慙愧腐儒謀食拙杜門麤糲養

踈慵

莽莽荆襄厭甲兵，忍看魑魅困蒼生。風呼陰峒
蠻苗出，月照荒城妖鳥鳴。娘子軍容誇左道，丈
人師律重先聲。讀書殺賊男兒事，莫讓終童獨
請纓。

銀河西注洗妖氛，墮地欃槍夜半聞。蜀道飛艘
勞轉饜，朔方驍騎勇從軍。鸛鷺陳合屯江霧，蛇
虎旗開掃棧雲。聞道賜糧歡萬姓，彤弓先已

錫殊勲

百二秦關古戰場，如毛羣盜敢披猖。寶雞刷羽

南山詩鈔

卷二

十三

聲先震銅馬，驚心骨欲僵。諸將果能遵廟算，
三軍漸喜卸戎裝。願消兵氣蘇民氣，早買耕牛
學種桑。

頻年瘴海樹戈鋌，吹角鳴鉦潦霧邊。風裏刀腥
龍戶竄，潮頭烟黑虎門懸。已看徵側爲窮寇，誰
道孫恩作水仙。滾滾驚濤休恃險，將軍天上下
樓船。

辛苦人來蛟鱷叢，江村守望百家同。鼓鼙聲亂
春潮裏，刀戟光分夜火中。所患是兵還似盜，但

求無罪忍論功羣黎頌禱渠魁怖鬚鬢蕭蕭老

總戎

黃總戎標

鼉沫蛟涎浪作堆沙蟲猿鶴費驚猜蠻帆賊已
乘風去犀甲軍如捉月來小醜無知終惜命重
臣有守亦需才陽和本是蒼穹意一破頑陰要
震雷

揚雄賦就漫吹噓廿載侯門跡本踈祇合短衣
看射虎豈宜長鋏嘆無魚中宵偶讀班超傳上
畧誰陳黃石書畢竟少游言可念且騎欵段守

南山詩鈔

卷二

十四

鄉間

秋夜懷徐丈薊圃

泠泠竹下泉踈踈花上星欹枕聽秋雨開門知
夜晴解帶步前除暗聞松桂馨徑濕啼露蛩衣
輕墮風螢素交曠良覲欲往無脩翎古愁積肺
肝尺素何由明迴飈入羣木散作幽琴聲

送伊墨卿太守歸汀州

我聞惠州士與民包羊釃酒酬鄉神太守愛民
如愛子太守身安百姓喜琴鶴蕭然返故園梅

花屋老雀羅門同堂四代和氣溢充腹萬卷元
精存歲晚滄江臥寒日垂翅青冥未爲失蒼生
共望出東山長沙不久歸宣室君不見昌黎騎
龍潮水頭坡公春夢尋羅浮屯邗一笑付磨蝎
升沉回首俱浮漚九松嶺黃鶴樓身行萬里多
舊遊南來嶺外鴻爪畱西湖雖小烟景異一一
盡被詩囊收海幢樹古風颼颼海珠潮落江悠
悠而我惜別兼悲秋河橋欲上還夷猶折殘老
柳咽風笛引滿巨杓看吳鉤公行爲我盡一甌
明年花發珠江頭珠江水似閩江流夢隨春水
來汀州

伯臨屬題金壽門墨梅

誰能畫梅如畫松支離凍骨僵青銅誰能畫梅
如畫龍首尾滅沒行虛空倚天拔地老根大橫
枝四出各盡態一枝左折儼曲肱似任霜禽踏
無礙七十髯翁冰雪腸酒懷跌宕奇氣藏平生
莫逆花御史欲爲寫照神先強千百圈中見造
化疎密點處含風霜種梅主人抱梅癖半酣索

笑仰素壁夜風紙帳冷香來瞋眇詩魂遇花魄
髯兮骨槁空山春藐姑仙子愁失真弟子入室
有羅聘尙能舍貌追其神主人來歲西湖去手
桺繁枝覓佳句雙屐先登放鶴亭一杯便醉冬
心墓

早春積雨偶成

海霧吹成萬井烟雨聲閒過試燈天疾生是指
原非指時有指疾心入今年異去年塊磊未消澆以

酒林亭欲闕限于厯漆園化蝶猶多事我亦忘

南山詩鈔

卷二

十六

吾但熟眠

藝圃兵部次韻見懷再疊前韻報之

喜聞秦蜀靖烽烟不信蛟鯨吼海天弭弛士多
投筆志蕭閒天富著書年蓬蒿未礙開三徑簞
笠還思受一廛自笑封侯無夢到綠陰如水抱
琴眠

大洲火

大洲火鹽艚燒海賊如虎羣咆哮鹽艚已據索
錢贖無錢難贖徒哀號巨艚堅固供賊用其餘

一炬成枯焦三庚之際蒸炎焔火雲四舉如山
高猛然烟焰騰空霄祝融赫怒火勢驕直欲煮
海煎狂濤垂頭大魚泣瘦蛟海童河伯紛驚騷
有如赤壁方戰鏖八十萬衆聲嘈嘈是時居人
爭遁逃富者買舟得先濟窮民走險藏山均風
停火止賊稍散但聞怪木啼鴟鴞伏波將軍在
何許願洗餘燼安吾土慎勿多言官長怒昨日
出城聞劫渡

黃總戎行

南山詩鈔

卷二

七

萬口爭傳黃總戎廣東老將今黃忠總戎習水
識水性夜半伏水如螭龍賊船峩峩壓賈舶總
戎出海賊已空羣賊畏之如天神衆軍親之如
家翁蒼顏獨立心忡忡將星墮地來悲風盡瘁
死當爲鬼雄殺賊要安河伯宮 國家優渥賞
有功總戎任重職亦崇纓冠翎翠珊瑚紅纓冠
翎翠珊瑚紅嗚呼安得再見黃總戎

新造墟

出城路人喧聽者或變色昨日新造墟破曉海

賊入鄉人早料此各自備矛戟相持成一闕倉
猝勢不敵婦女遭生虜火焰尤慘烈有客揮短
刀殺賊計六七賊怒齊奮呼長鎗洞客腋民心
本非怯賊實恃死力豺狼誠披猖得飽願少息
兵來賊已去藥緩病太急紛紛居民逃鑒此若
前轍羊城太平久老不識兵草風聞心搖搖富
者謀徙宅我家插架書手自點朱墨重之等兼
金此寶賊豈識堂堂大吏在日夕急籌畫紀實
爲此詩空言究何益

南山詩鈔

卷二

六

讀書五首

錄四

黃河天上來浩浩但一氣讀書見其大瑣碎當
棄置雖然理萬端有鉅不廢細泰山小天下五
嶽尙有四不從向禽游安知面目異

六經闡大義赤日行天中諸子如衆星經緯各
有宮羅列廿二史治亂爲一叢後人矜獨得前
人所劬通後人苦艱難前人所從容居今戒新
奇好古貴折衷文章不適用梨棗災何窮一火
灰百家君勿尤祖龍

讀書何所求將以通事理古書如古方服之可
救死奈何教兒童誘以博青紫少年慕富貴努
力鑽故紙想其咕嗶時意已不在此聖賢千萬
言割裂等紈綺一朝得志去譬若假道爾遠大
難預期初念要勿鄙造士先養蒙請自小學始
五歲就外傅十二學時文十五學詞賦搖筆空
紛綸吳公象川先生善愛人以德不以恩感激報知
己意氣凌青雲蹉跎逼中年往事同奔塵齒長
乃學消失故安得新修綆可汲古難挽羲和輪

南山詩鈔

卷二

十九

一生譬一日最樂惟清晨金丹不療饑虛名真
誤人作詩示小子扃戶潛爾身

馮比部魚山先生

敏昌

招集越秀講院賦

呈二首

坐向春風裏都忘秋氣深登龍多士志

墨卿太守勝其

門日登龍門

相馬古人心

先生題拙稿有空羣之語

湛湛天中月

冥冥海上琴十年繞清夢一夕豁塵襟

蓬島神仙侶蒿廬孝子身白雲違畫省青史待

詩人五嶽蟠胸峻千篇出語真南園壇坫在一

爲關荆榛

伯臨在都中以九家注杜詩見寄率成一

絕

君知我好浣花詩
手自封題遠寄之
開卷思君轉惆悵
蕭蕭梧葉雨來時

○西園

西園半畝地
溪水到窓前
踈樹意中畫
孤雲心外禪
香燈僮佞佛
晴雨客談天
我欲題新句
高吟有暮蟬

南山詩鈔

卷二

二十

家墨池孝廉

如芝

招飲荷香館作畫見贈

余答以詩

主人結廬野塘邊
野塘十里開白蓮
筆牀茶竈巧位置
清風明月相周旋
日長坐臥墨池畔
荷香墨氣清娟娟
有時惜墨似懷寶
有時潑墨同奔泉
贈我尺幅勢萬里
羣松夭矯撐青天
晚涼邀我碧筩飲
花深斗室如乘船
停杯爲我述往事
西湖山水清而妍
客中傾蓋遇郭泰

郭頻評

詩讀畫堪流連
一人作圖一題詠
破費十百松

花箋折枝花卉寫鄉物白者素馨紅木棉去年
異國今故里清景過眼誰爲延我聞此語忽自
笑笑我未結山水緣三年出郭耕破硯蕭齋木
榻坐欲穿夢中了了見奇境覺後想像心茫然
有人向我問名勝如臨大敵張空券因君墨妙
發狂興移家欲住羅浮巔青鞋布襪肯相訪君
爲前驅余執鞭金箱便往圖五嶽看君腕底生
雲烟

閔居雜詩

南山詩鈔

卷二

三

清福何嘗造物慳要從人境識仙寰花間月好
陪親賞酒後詩長倩客刪千卷書藏忘陋室九
霄雲起卽名山紛紛甲第誇梁肉百味無如一
味閒

八騶車本男兒事一品衣仍處士身辟穀封侯
眞善病種桑丞相不憂貧事關諷諭言由世興
到飛騰筆有神勲業看人光竹帛嘯歌容我出
風塵

餓夫不受嗟來食志士寧貪暮夜金辛苦持籌

堪捧腹蒼黃投閣枉薰心但留玉在何愁璞莫
待桐焦始辨琴二十六年彈指過海鷗同夢水
雲深

二曜升沉歲序更九原多少古人行情長未有
如天地命在何須問死生造化心思偏死轉鬼
神面目本分明士龍大笑唐衢哭哀樂由來不
易平

貝葉蓮花妙孰傳黃芽白雪壽誰延僧雖入定
難言佛人若無求不羨仙肯信桃源真有地空

南山詩鈔

卷二

三五

聞兜率是生天亦仙亦佛從吾好醉卽高歌倦
卽眠

鄭貫亭侍御

士超

枉過城西藕花榭談至

薄暮賦此奉贈卽送其歸陽山

池館雨濛濛談深返照紅蒼生儒者事御史古

人風抱策芻蕘拙論心竹柏同

余撰海蠡一篇
侍御索觀並攜

去天清見鷹隼莫便類冥鴻

秋日雜詩十五首

錄七

檐馬蕭蕭語晚風年光駒過太匆匆新秋有味

何人覺詩罷蟬聲酒罷蟲

索書人怪作書慵軟飽三盃睡意濃別有關心

忘不得數行小札問芙蓉

懷南聖芙蓉

大樹蕭騷杖履空

魚山此部

西風人又哭梁鴻可憐

小傳從頭讀正在淒淒暮雨中

梁璜溪明經歿後謝澧浦庶常

爲作傳

碧天如水思迢迢千里雙魚破寂寥要看揚州

二分月玉簫聲裏夢紅橋

得伊墨卿太守書述紅橋修禊事

蓮褪嬌紅柳染黃又勞青女降新霜幾竿瘦竹

南山詩鈔

卷二

三三

斜陽裏个字依然寫滿牆

小舟繫樹板橋橫白鷺拳沙溪水清一抹斜陽

紅上面風林踈處有人行

去年我作賃春人雲水光中置此身今日再來

鄰笛起冷泉踈樹總悽神

重過西園悼吳峙亭姊孀

聽松廬詩鈔卷之三

番禺張維屏子樹撰

番禺黃喬松編

人日同胡蔚巖

豹文

汪撫中

鳴謙

金鍾山

菁英醴香

菁茅裳繡

菁藻

登粵秀山飯

融公房遂訪漆瓏淵

璘

同出北門小亭

茶話得詩二首

山靈有意助登臨閣住春寒一段陰小雨未成

人日暖上方重到佛緣深飽看雲樹開生面纔

聽鐘魚悔壯心肉食勞勞君悟否果然蔬筍味

南山詩鈔

卷三

一

堪尋

紅塵催我出山門勝侶相逢載笑言吹袂東風

涼似水結廬北郭靜於村一甌清茗煩襟滌幾

樹斜陽瘦影翻來歲今朝人萬里舊遊誰與話

鄉園

時將入都

上元後三日同金茂園

菁藜

胡蔚巖汪撫

中買舟過馮子臯妹婿

廣颺

森竹園小

酌至暮散步村外得詩二首

春在山顛又水涯一枝柔櫓劃漣漪暖風吹我

意常醉村路引人行不疲雞犬聲從深樹認田
園味讓老農知菜花香處柴門掩寫出儲王畫
裏詩

清流曲曲抱平疇略約斜通境轉幽松翠翳天
寒欲滴草痕沿岸碧如浮此番小聚依雲水他
日閒盟訂鷺鷗不似桃源難再到好同仙侶更
移舟

春夜史春林大令

善長

招同諸君集江樓

送金藝圃兵部入都

南山詩鈔

卷三

二

春酒醉難消春波蕩畫橈海天空濶處風月可
憐宵我欲隨歸雁行將萬里遙君先挂帆去夢
隔大江潮

荔峯師命題紅燭校書圖

四圍香霧春融融垂蘭不動盤荷紅丹銜翠蘊
入銀海別風淮雨祛塵蒙太邱夫子真人傑耿
耿元精卓天骨一曲霓裳冠衆仙兩番冰鑑懸
南粵玉堂清美被絲綸蚪篆龍韜校勘新草就
賤麻沾蠟液照來法酒爛星辰退直蕭閒親筆

硯添香侍女宵忘倦鴉鬢嬌雲顫影低墨花飛
上釵梁燕絳紗隅坐聽談經讀畫彭宣感易生
詎望燃藜勞太乙尙思穿壁學匡衡光風吹暖
扶桑樹炎州桃李開無數潘錦江花妙剪裁手
握鑪錘眼如炬百尺元龍氣自豪台階象緯炳
青霄定知領取雙條日八柱承天玉燭調

酬胡蔚巖汪樵中

胡子素落落立志頗不苟汪子何淵淵虛衷善
所受胡子蜀道行崎嶇奉賢母寇盜雜魑魅身

南山詩鈔

卷三

三

歷靡不有汪子居里閭訥如不出口於義所不
可方寸堅有守我識胡子先我識汪子後二子
道義交金石期末久時或作文字互視辨妍醜
求金沙先披治玉璞當剖汪子早鸚薦日進南
陔酒胡子蓄精銳戰勝月在酉今我遊燕臺二
子果來否後期問嶺梅別緒亂江柳兩紙贈行
詩語質意彌厚但能報泥金敢望縮錦綬藉以
娛高堂兼之慰良友歸來笑相視共醉可一斗

寒食舟中遇鄭貫亭侍御

旅道逢寒食，青春事遠遊。烟波同作客，風雨偶停舟。小聚聯鴻爪，長安望馬頭。時侍御亦將入都他時一樽酒，清話憶滄洲。

胥江

遠山似入夢，孤雲如出甕。空江雨乍停，冥冥一帆重。

雨泊波羅坑

旅食路方永，獨眠寒易侵。春江流客夢，夜雨滴鄉心。有畫胸中句，無絃指外琴。曉來一長嘯，風

南山詩鈔

卷三

四

急老龍吟

睡熟過惶恐灘

夢到家園笑一回，醒時睡眼尚驚猜。舟人遙指萬安塔，不覺身從惶恐來。

峽江縣

舟行忘遠近，竟日畫圖中。曉霧白萬瓦，夕陽黃半篷。歌聲答流水，鄉信盼歸鴻。晚泊江風緊，吹來月一弓。

滕王閣

高閣俯長川。斜陽此泊船。水天終古在。詞賦幾人傳。都督亦知己。江風原偶然。我來成獨立。鄉思落霞邊。

。 茨菇旅舍伯臨題壁倒次其韻

春夢淡可味。春愁牢費刪。柳條臨水媚。雲影傲人閒。野店得雞黍。村鄰能往還。何須感行役。潑眼有青山。

。 新建曉發

僕夫畏午熱。客子愁曉寒。雞鳴向前路。曠野衣

南山詩鈔

卷三

五

裳單。星大焰有角。霧重光成團。石奇一虎踞。樹黑羣鬼蹲。人行悄無語。驟聲益悲酸。稍稍辨村屋。隱隱開柴門。春山如佳人。曉立垂烟鬢。顧之殊嫣然。我亦爲破顏。崎嶇得一笑。敢謂行路難。轉憶平居時。恣意懷宴安。高枕睡失旦。紅日懸三竿。

建昌道中

十家八家臨水扉。一聲兩聲啼午雞。山花媚客多幽姿。小紅淡白香馥馥。秧田井井如布碁。荷

鋤老農貌未衰客面對之轉忸怩頭髮垢膩衣
塵緇客請住兮聽一語辛苦由來屬羈旅大河
以北多塵土努力加餐慎寒暑

驛南舖曉發遇雨

昨日出店天未明。今日出店方五更。星沉月墮
四野黑。行客不語騾不鳴。但聞車前車後羣騾
項下之銅鈴。騾不住行。鈴不住聲。東東丁丁。縱
縱錚錚。初疑古戰場。隱隱交戈兵。又如走檐馬。
颯颯秋風生。模糊鄉夢心。屢驚此際遊子難。爲
情。猛然急雨來。縱橫雨勢漸重。鈴聲輕。欲去且
住。愁屏營。茅店荒寒。夢難續。一豆壁燈。向人綠。
未聽何截唱。渭城似聞蜀道淋鈴曲。

廬山

雨餘流水急潺潺。破曉人行濕翠間。洗出青蒼
眞面目。馬前一笑見廬山。

德化道中望廬山

飛泉鳴澗濱。峭壁聳天上。中間一綫地。步窘不
容放。小石環羣羊。大石伏馴象。匡廬多兒孫。羅

列儼屏障。面目自有真。變幻莫能狀。踈紅點寒碧。孤塔界層嶂。人行蟻旋磨。輿簸舟觸浪。我來試新險。心目轉幽曠。家遠身益浮。客久膽漸壯。臨風懷古賢。五老屹相向。

由通遠驛抵東林

烟活山如笑。風豪樹欲飛。千林盤磴曲。一徑入雲微。曉夢親驢背。春寒戀客衣。東林無慧老。蓮社素心違。

東林寺

南山詩鈔

卷三

七

東林曉停車。芒屨踏蘚石。山門何蕭條。佛殿慘陰黑。來尋古龍泉。井甃土花赤。銅塔供摩挲。七級字半蝕。鐘魚寂不聞。寺僧出乞食。土人述盛衰。眼中幾更易。我思遠公初闢地。具慧力風流。白蓮社置酒。待彭澤昔賢去。有年名山黯無色。似聞笑語聲。縹緲在空碧。日冷松風號。荒徑有虎跡。

舟中望廬山作歌

我從廬山來。衣裳尙有廬山之雲烟。九江城外

波連天。桂席却登江上船。此時酒渴更思酒。欲
吸西江入吾口。九派茫茫不可迴。五老雲中忽
招手。何時天河水。飛下廬山頭。白虹倒挂三百
丈。跳珠濺玉千載無時休。紫霄峯上科斗字。云
是夏禹治水泊船之所畱。我思匡君兄弟七人
結廬盡據此山勝。其樂真足輕王侯。秦王漢武
到此却復去。更從何處尋丹邱。卽如陶公謝公
太白及坡老。不過往來登眺成勝遊。香山草堂
雖云樂。一出已爲琵琶愁。古人如水流。青山向

南山詩鈔

卷三

八

空立。層嵐吹盡江天高。捧出芙蓉千朶濕。昨行
廬山陰。今見廬山陽。香鑪雙劍遞隱現。金樓銀
闕排空蒼。或爲美人或鬼物。或爲獅象蹲伏。又
或騫起同鸞皇。最高之峯有如老人中立。色不
動。兒孫羅列拱揖奔走於其傍。我從廬山來。又
別廬山去。山靈邀我乘鐵船。導我飲甘露。笑我
乃似彭蠡湖邊之飛雁。大風起兮不能住。三石
梁。九屏風。列真苑。圍安能窮。亘數百里青濛濛。
他時興發遠相訪。定蹋赤鯁騎白龍。回頭笑語

五老峯爲我先鐫長句丹崖東

黃梅旅次偶感

我家齋頭兩樹梅春前好花如雪開花落
結梅子梅子欲黃知夏來走馬尋春春不見春
歸風雨淒如餞家園漸近熟梅天客身遠在黃
梅縣

二郎河

二郎河畔渡征驂人似蠶眠已再三中酒阻風
愁未醒落花時節到江南

南山詩鈔

卷三

九

楓香驛

複水重山置此身客中調護倩何人盃盤草草
楓香驛明日天涯又送春

早發潛山縣

雞聲催破夢曹騰萬里身同行脚僧曠野低迷
天似墨亂山犖确石如冰風憑虎勢號千樹人
逐驪行共一燈便藉塵勞試筋力近來詩骨轉
峻嶒

潛山

俯首見松頂。片雲如可捫。風橫千壑響。日墮四山昏。白鶴半空影。美人何處村。君看原上草。猶帶古烟痕。

小憇潛山旅店訪二喬故居弗得悵然題壁而去

周郎霸業歎飄零。杯酒誰澆墓草青。萬點落紅春又老。老東風何處秀英亭。

垂柳

垂柳萬條烟。烟條盡可憐。佳人出織手。春色畫

南山詩鈔

卷三

十

樓邊三月江南路。東風客裏天無端。惹歸思。飛絮共纏綿。

早發北峽關

沈沈路黑無西東。四更閉置車帷中。金烏飛起曙光發。千巖忽放青芙蓉。飄飄清氣天風送。山影如烟壓肩重。繡被奇溫襪被寒。下視濛濛萬家夢。

護城驛

斜陽在牛角。到店身如歸。索湯洗垢膩。客面爲

光輝粗糲等精潔。中腸方苦饑。解帶步墟落。微風吹我衣。草蓋屋有髮。土剝牆無皮。雞豚與兒女。出入爭一扉。有燈室轉黯。不風塵自飛。輿中日蹠曲。氣鬱筋亦疲。一枕舒百骸。至樂乃在斯。勿謂行路難。勿歌長相思。男兒不遠遊。世味安得知。

利國驛曉發

雞聲何處邨。星光照曠野。停車古渡頭。烟中問漁者。

南山詩鈔

卷三

十一

南沙河

亂雲依岫濕。還低細草沿溪綠。未齊人到壯年。輕險阻天當曉。色轉淒迷菰蒲烟黑。千家夢楊柳風涼。匹馬嘶羣動。又隨初日出車聲。鞭影滿沙堤。

早發滕縣

驅車天未明。古道半禾黍。空林吹暗風。老樹作人語。

汶上旅宿

一枕月在榻四更風滿林征途互寒暑鄉信判
浮沉遊子夢魂遠高堂思慮深懸知萬里路併
人二人心

○ 滹沱河

一派滹沱水。征人立馬看。帝王當草昧。麥飯亦
艱難。風捲河聲壯。天圍野色寬。故鄉行更遠。前
路又桑乾。

○ 河間早行

馬上鄉心不易收。天涯詩境總如秋。孤墳月小

南山詩鈔

卷三

十一

妖狐拜破寺。風多老佛愁。半夜披裘行大野。幾
時散髮弄扁舟。軟紅塵土東華近。清夢依然戀
白鷗。

贈吳蘭雪博士

嵩梁

一卷香蘇冰雪詩。藏園筆已讓君持。金門索米
功名薄。酒市論交邂逅奇。花月歡場胸有淚。江
湖浪迹鬢成絲。冷官莫笑腰難折。憶向梅花拜
倒時。

蘭雪有滿身風
雪拜梅花之句

五月十日秦少司寇小峴先生招同家船

山侍御

問陶

鮑樹堂侍御

勳茂

吳蘭雪

博士潘伯臨比部家孟平孝廉

延年集

寓齋賦呈一首

記從珠水送揚舫又向京華仰德星百粵民情
深望歲九重天眷愼明刑但知報國心常
赤卽遇微才眼亦青把酒勞公問桑梓海門風
黑浪猶腥

與顏心齋比部

停恪

黃文瀾孝廉

瀾安夜

話有作

南山詩鈔

卷三

十三

話到宵深感復吁年來骨相轉清癯心原愛客
非耽酒興偶爲詩不檢書半世浮名役精魄一
官生計愧樵漁牧羊試問金華客
謂文瀾白石饑
來煮得無

七月朔日恭甫師招同王伯申宮庶

引之

程春廬兵部

同文

陳石士編修

用光吳

蘭雪博士查梅史孝廉

祭

集寓齋小飲

醉後賦呈二百四十字

吾師儒林宗遠接鄭孔武盤根燦天葩鴻文邁

燕許珥筆有餘閒盍簪集儔侶入座皆賢豪忘

形脫綦組芳馨襲芷蘭斑駁陳樽俎發鮮驚白

龍窺豹陋誕鼠兵羅武庫胸樂奏鈞天所師出
示詩

文集雄談八殫隘逸興五嶽舉賤子生海濱茫昧

習些窳長安居不易秋心墮烟渚提壺問奇字

嘉會慰羈旅大邦匹齊晉附庸忝邾莒敢云拔

螯弧頗願執干櫓海氛多蛟涎小醜尙蟻聚昨

者鄉人來近事爲覩縷猓爭磨牙鴻雁罹網

罟亟望將帥良先剿而後撫樓船掃鯨鯢紀律

南山詩鈔

卷三

十四

肅貌虎下以安黔黎上以報

聖主羣公雅頌材紀事編樂府詩歌播海隅和

聲協銅鼓桑梓憂未忘芻蕘策誰取登高望故

鄉愁雲莽脩阻空腸得酒鳴奇鬱快一吐

翁覃谿先生招集蘇齋賦呈一首

公昔使粵東三任歲凡八搜羅皆瑰材提倡具

慧力辛卯秋七月役竣舟將發九曜結古緣韻

事載詩跋公去又十秋賤子嗟晚出思公二十

年緒論耆舊述馮唐老爲郎魚山
比部臯比坐鄉國

有時共一樽半酣語汨汨云師闡詩教務使真
髓得勸之培松筠督之埽軋苗子行偕計吏晉
謁會有日我師夙宏獎愛士若饑渴况子在鯉
庭亦繼桃李列子如質所疑師必示以則歲月
成奔蛇酸辛憶捫蝨大樹何蕭條靈光尙嵒岬
燕臺北風厲霜寺曉鐘歇樞衣來蘇齋春氣溫
一室獎許鯁生詩彷彿馮子筆聞言增忸怩感
舊轉怛懨爨桐賞音慙墓草餘涕澁死生旣靡
常聚散亦難測往者西湖長攜我詩一帙公爲

南山詩鈔

卷二

五

題數行節制表師律

墨卿太守攜拙稿過蘇齋先生有節制之語

我

來太守去三度易鷓鴣近得一紙書素冠返鄉

邑假如亡者存復使散者集同時登公堂先後

拜筮屐意公於斯時喜必動顏色公懷自浩浩

小草亦噓植諄諄勉力學法古毋貌襲詩家流

派殊得失究纖悉漢魏唐宋元萬法歸一穴有

明李何輩浮響戒耽惑 本朝推漁洋著錄徵

定識

先生以所著小石帆亭著錄見贈

於茲印心源非第爲羽

翼我乞諸天食且學維摩默許上大願船肯見

優婆塞作詩期抒情不欲事文飾心依北斗高
夢墮南海濶

九日吳蘭雪博士招同汪澣雲員外

梅鼎

王楷堂比部

廷紹

方鐵船工部

元鯤潘

伯臨比部

正亨

集寓齋

秋老黃花笑風高白雁哀豪吟從落帽多病畏
登臺竹帛看雙鬢萍蓬付一盃崆峒真咫尺匣
劍幾回開

○新寒

南山詩鈔

卷三

十六

新寒旅枕夢頻驚窓紙刁刁敗葉鳴開戶風來
如潑水一天殘月萬鴉聲

都門秋思

崑崙中脈遠崢嶸翼翼山河拱帝京雙闕雲
盤龍虎氣九關風肅鶴鵝聲玉虹跨石飛泉淨
金爵騰空旭日明何事崆峒談道訣

至尊宵旰念蒼生

天半清霜壓怒鵬嵯峨樓觀倚丹青白河雁去

傳秋信

紫禁人歸賦早朝夢裏蓬蒿蝸舍遠

眼中塵土馬蹄驕思鄉懷古愁如海轉覺名心似落潮

百年六合一郵亭多少飛蓬與斷萍南海月華今夜白西山雲氣古時青逢人漫逞談天技望遠思繙縮地經邱壑高深隨處有世間難得少微星

刀剪能傷獨客心授衣時節怕登臨千林葉脫羣鴉舞五夜風來萬馬吟種地幾人收白壁築臺從古重黃金哀絲豪竹朱門裏秋老都成變

南山詩鈔

卷二

十七

徵音

十二月十九日坡公生日覃溪先生招同

法時帆宮庶

法式善

宋芷灣

湘

洪介亭

占銓

顧南雅

蕓

三編脩吳蘭雪博士集

蘇齋題李委吹笛圖

大江不動羣山高磯頭主客方醜陶笛聲飛起石欲裂何人江上浮輕舸李生意態孰想像紫裘腰笛巾飄飄壽公一曲已不俗乞公一詩良足豪鶴飛新製似有意夜半赤壁曾相遭疇昔

道士今進士無乃變幻來解嘲東坡鬚眉一可
百何況羽客能翔翺白鶴南遷早成讖春睡正
美晨鐘敲阿婆姓氏亦烏有夢中說夢原超超
七百年來壽無量瓊樓玉宇公逍遙蘇齋學士
公弟子歲歲設祀陳芳醪烏雲天際望縹緲恍
惚鶴駕乘雲輶松屏石畫有真契畫中詩境思
臨臯瓣香再拜何所獻下界箏笛空嘈嘈

覃溪先生出示天際烏雲帖墨蹟屬和詩
是日拜坡公笠屐小像

南山詩鈔

卷三

六

四海知公雙鬢皤年年置酒壽東坡高齋更展
烏雲帖下里難酬白雪歌淘盡英雄江水急敲
殘春夢寺鐘多鬚眉笠屐俱無恙玉宇瓊樓近
若何

旅思

半年彈鋏向燕臺旅思如雲撥不開風力正強
偏酒醒雪花初舞忽書來心依骨月常多夢身
急功名易損才呵凍詩成煩驛使故園春已到

庭梅

秦小峴少司寇招同法時帆宮庶吳蘭雪

博士陶季壽大令

章鴻

潘伯臨比部集

寓齋拜淮海先生像

盛年胸次羅六韜黃樓作賦凌楚騷峨嵎仙人
信知己謫宦海南亦相似藤陰醉卧何忽忽萬
緣一笑如水空功名富貴楚弓耳黨籍姓名重
青史公作酒星來處州耳孫摹像圭山頭公訪
辨才過龍井孫復建祠供清茗今晨遺像懸中
堂一杯兼酌晁張黃却話秦郵艤舟處微雲澹
抹山蒼蒼相逢酒畔多羈客思鄉未易身如石
盤飧風味憶淮南欲剪薑芽配鮮鯽

送齊北溟編脩鯤奉

命冊封琉球便道歸省

皇華詩合白華詩 天使還家四海知羽舞兩
階唐日月衣披一品漢威儀魚龍爭護星槎渡
桑梓圍看玉節持歸向瀛洲編故事驅濤萬里
入雄詞

南山詩鈔

卷二

十九

海鶴篇呈學士王定九先生

海鶴生海濱泛泛同鷗鳧偶然逐歸鴻奮翼遊
紫都道逢阿閣鳳愛此毛羽殊謂其鳴聲清詎
合棲泥塗顧盼引之起昂首多亨衢愧無摩天
翮豈能效搏扶閭闔吹罡風茫然墮平蕪鷓鴣
采續紛安用鶴骨癯回頭謝鳳凰雲中遙相呼
黃雀報玉環嗟哉鶴不如

將出都倪素之比部

孟華

金藝圃兵部漆

瓏淵劉三山

華東

兩孝廉蘇韞石

獻琛

家椒園

衍基

兩明府潘伯臨比部俱有

南山詩鈔

卷三

三

詩贈別奉酬二首

蘆溝垂柳故依依似向斜陽絆客衣流水無情
紅雨散暖風有力綠陰肥扶搖北海看鵬徙遼
潤南天任鶴飛觸熱長途非得已高堂書到有
當歸

旅食京華已匝年又聽車鐸送吟鞭凡材敢望
空羣馬歸路先愁上水船交到忘形真骨月事
當適意卽神仙萊衣未受緇塵染舞向重闈亦

粲然

趙北口

征輪礮礮路迢遙。雨送輕寒曉未消。心在愁邊身入畫。一川烟柳十三橋。

雄縣曉發

屋老燈無焰。窓虛紙有聲。四更寒雨驟。五月敝裘輕。地古分燕趙。天陰失晦明。客心流水急。不敢數歸程。

途中晚晴

破曉瀟瀟雨。荒橋滑滑泥。路危妨走馬。心倦厭

南山詩鈔

卷三

三

聞雞烟暗山如缺。草長天更低。僕夫喜晴景。鞭指亂峯西。

曉發景州

景州城中鷄亂鳴。景州城外露華清。車中一覺模糊夢。猶把天明當月明。

在平旅次題壁

疑雨疑烟馬後塵。乍寒乍暖客邊身。暮禽有意欲畱我。老樹無言多閱人。家遠寸心如轉轂。路長雙足是勞薪。荒村澀酒難成醉。更聽琵琶一

愴神

銅城驛早發大風雨有作

馬首一燈滅雨來風滿林崩崖騰虎氣幽壑激
龍吟哀樂中年味關河獨客心停車問前路人
語曉烟深

舊縣道中

亂峯如波濤疊起駕天黑我車如扁舟動蕩不
少息况復雨後泥已沒草間轍馬蹄鏗有聲破
碎踏危石縣廢得舊名山多宛新闢斧削畱巉
巖轂擊爭寸尺去歲從南來冷霧荒荒白今年
自北歸高柳垂垂碧一身嘗艱虞兩度感今昔
下坡途稍夷出險心尙慄

過劉伶墓

片碣劉伶墓雙輪古道邊誰能將白酒直爲達
黃泉一鍾竟長醉二豪今亦傳客來思痛飲草
綠正堪眠

黃河舟次

已憐轆馬苦垂頭又被沙鷗笑倦遊青草歲華

催雨鬢黃河風雨滯孤舟夢回斷岸蘋花曙歸
及空山桂樹秋海底珊瑚無恙在釣竿吾欲拂
東流

家孟平孝廉畱吳閫待余比余至而孟平
歸溫州矣賦此却寄

花月山塘路笙歌清夜遊吳姬能壓酒越客乍
停舟先我挂帆去到家應及秋定攜謝公屐吟
上玉峯頭

同人汎舟山塘遂遊虎邱歸途遇韓夢香

南山詩鈔

卷三

三

秀才

繁絃急管催青春蘭舟桂櫂邀美人美人勸我
碧螺淺迴腸得酒如車輪披衣登岸山風送生
公去後幽禽啣石裂苔畱虎氣腥池荒水抱魚
腸凍豪華事過轉蒼涼老佛無言塔影長真孃
歌舞吳王劍一樣徘徊問夕陽櫻桃香裏簫聲
度故人訪我中途遇商量痛飲何處宜要離塚
畔梁鴻墓

席上畱別唐景翁殷秋濤韓夢香蔣有安

是日重遊虎邱

片帆吹到闔閭城。天許佳遊雨忽晴。新霽林巒
烟際出。夕陽樓閣水中明。笙歌叢裏尋禪味。燈
火樽前計別程。後夜孤舟泊何處。楓橋應有寺
鐘聲。

曉望太湖作歌

瑤雲倒瀉玻璃天。白鷺飛破包山烟。誰能直跨
洞庭脊。喚起老龍耕玉田。濛濛三萬六千頃。紅
鏡裴徊素波冷。翩然七十二芙蓉。齊整鸚鵡鬢。照

南山詩鈔

卷三

二五

嬌影。我家遠在南海頭。臨風洗眼銷羈愁。靈威
丈人拍手笑。笑我廢書成浪遊。吁嗟乎。人生當
學鴟夷子。報國功成樂忘死。五湖浩蕩一扁舟。
載得美人泛烟水。不然大呼道人攜笛來。鐵虬
一吼青冥開。便騎赤鯉蹋波去。御風遊戲金銀
臺。

五月廿一日汎舟西湖

天光碧若湖湖光。清似天衣裳。忽異色我坐萬
綠邊。旣罷樹下酌。遂登湖上船。船頭見我影。酒

醒涼娟娟柳深百啁唱荷淨雙鷺拳艣枝撥水
柔磬響隨風圓高峯吐白雲縷縷如輕綿却瞻
黃妃塔界破南屏烟

湖心望孤山遇雨

雲容滃諸嶺雨氣瀰一湖迴風忽吹開窈窕孤
山孤裊裊緬逋僊老鶴如可呼日斜樓觀明水
際金碧鋪峯頭飛雨來衆籟交笙竽灑然萬斛
珠散入白玉壺開襟吸湖淥倦客筋骸蘇安得
招米顛潑墨爲作圖

南山詩鈔

卷三

五

冒雨至小有天園由幽居洞上觀司馬溫

公摩厓石刻

遊興如江湖一起不可伏夙聞幽居洞冒雨抵
深麓仰睇意先赴匆矚足屢縮撐崖樹陰森抱
石水紆曲窺潭毛髮涼捫磴指掌綠穹嵌戴危
亭竊窳通古屋摩崖畱八分別蘇快一讀或云
唐人筆臆說安足錄皇皇涑水書正色照巖谷
不朽誰配之琴臺米海嶽

錢唐舟次聞潮口號

鐵弩三千氣未消風雷動地雪山搖江神要索
驚人句鞭起魚龍送暮潮

百家村小泊

風餐水宿總銷魂
饑夏迎秋歲月奔
顧影尙同千里雁
推篷又泊百家村
幸無疾病能加飯

舟中

酷暑有病者

飽閱炎涼願閉門
不用灘頭說惶恐

情翻覆已難論

謁先文獻公祠

嶺海人文闢開元
相業隆安危一言繫
風度幾

南山詩鈔

卷三

三

人同學道侔伊呂
論功邁璟崇詞華冠
儕輩蹇

諤耿孤忠鑑古千秋
重山巍七寶雄立朝
誠侃

侃憂國早忡忡
仗馬鳴方禁冰山
倚未終先幾

知石勒內難弭
江充渤海猶頌詔
深宮遽伏戎

胡雛羞襁褓
吉網酷繚量狼子
心原野楊花勢

實訂霓裳按宮徵
金鼓震峭潼日極
荊州外魂

驚蜀道中孤臣悲
馬鬣萬乘墮蠶叢
太息忠言

棄空傳祭典豐祠
堂屹桑梓風雅振
鴻濛後起

嗟誰嗣先型溯不
窮笏囊徵故事羽
扇緬深衷

桂水鳴丹壑。梅關矗碧空。嶄巖通鳥道。開鑿重
神功。異代宗支遠。前賢譜系通。祥光芝翕艷。遺
址石玲瓏。皎皎天中月。冥冥海上鴻。高吟曲江
句。松檜起長風。

舟夜獨起

江影動危樓。樓前獨客舟。月將沙化水。風以樹
鳴秋。小醉千憂散。勞生萬象浮。孤螢爾何意。中
夜帶烟流。

七夕舟泊石門

南山詩鈔

卷三

三七

去歲燕臺易感秋。今年秋在白蘋洲。金風玉露
虛良夜。複水重山悔浪遊。瓜果中閨思悄悄。星
河兩地水悠悠。家園咫尺成千里。獨倚篷窓望
女牛。

一笑

遠道歸來一笑溫。征塵纔拂理琴樽。素衣不用
清泉澣。猶有杭州舊酒痕。

齋前老梅作花。邀茂園鍾山蔚巖。攜中醴

香小飲

兩樹槎枒雪點新茅檐清曉往來巡偶傾竹葉
思良友便請梅花作主人萬里舊遊頻入夢一
年急景又催春關山細雨天涯客折得繁枝定
愴神

香石見示羅浮詩卷率題絕句

君喜登山我倦遊君來向我話羅浮清詩一卷
從頭讀天外松風萬壑秋

伊墨卿太守重脩朝雲墓二首

一碣棲禪路千秋玉局銘大江仍獨去春夢忽

南山詩鈔

卷三

二天

先醒桃葉埋香土楊枝返淨瓶嶺雲和塞月孤
塚兩青青

太守今坡老湖山舊有緣殘碑搜古蘚妙句證
初禪鶴觀春長在虹橋月又圓何時重禮塔松
下薦寒泉

春晚對酒感賦

鴉陣縱橫老樹巔蝸涎狼籍斲垣邊雨深草與
人爭地風急雲如水潑天海畔鼓鼙多戰鬼樽
前花月少頑仙麒麟不動王侯臥空有香醪灑

墓田

余不善書索書者踵至有友人介暹羅國
賈人求書戲成絕句示之

廿年費紙恣塗鴉誰向雞林賈客誇漫道揮毫
宗草聖封侯從古但乘槎

寄懷金春汀明府

菁蘭

五日盧龍縣三秋山海關傲裘衝雪去匹馬踏
雲還礪礪存真氣崎嶇損壯顏天南望親舍知
爾淚痕斑

南山詩鈔

卷三

五

獨坐

屋外青山可療飢望中眉黛費相思縱無清露
蟬終潔果有名花蝶必癡肝膽祇宜明月照性
情先被古人知亂書堆裏成枯坐坐到鐘殘燭
跋時

懷仙

裁雲鏤雪費天工吹落人間少女風竝命禽棲
波灩澦合歡花發月玲瓏靈根肯種情田外慧
業都歸色界中若使經年成獨處上仙應厭藥

珠宮

謝家最小任憨癡漸覺矜莊學自持避客羞紅霞染頰惜花耐冷粟生肌梨雲夢破呼香茗絮雪吟成擅色絲忍見天桃吹欲盡喃喃細語祝風姨

珠帷翠幕一重重花裏驚鴻不易逢肯把紅牋緘荳蔻試拈彩筆畫芙蓉眼波乍剪吳江遠眉黛新描楚岫濃靜掩屏山春睡美夢魂生怕五更鐘

南山詩鈔

卷三

三

落花風急晚添衣畧識春愁減帶圍千里路長青鳥倦三篙水暖白魚肥病中自搗雲英藥夢裏猶張織女機屈指同心諸姊妹伯勞東去燕西飛

澹粧風貌轉清妍藥店飛龍欲化烟溫嶠鏡臺來此日阿嬌金屋貯何年落梅風颭雕欄外修竹寒生翠袖邊不信癡驀吞魄去幾番翹首望團圓

天女乘風訪素娥怕來禪榻伴維摩韋郎再世

風情減。崔護重尋淚點多。縱有葫麻難作飯。空
畱團扇不成歌。年年寒食梨花節。一棧椒漿奠
女蘿。

雙魚碧海盼迢遙。獨鶴瑤臺耐寂寥。灑淚雨零
紅豆濕。步虛風起白榆搖。聘錢天上償非易。鑄
鐵人間恨未銷。藏得彩鸞書一紙。可憐無計學
文簫。

星辰昨夜已前塵。欲向修羅問夙因。浪說蘭香
嫁張碩。不知仙子憶劉晨。一弦殘月如初月。十
南山詩鈔 卷三

三十一

載新人念故人。日把沉檀熏小像。可能紙上降
眞眞。



